



DAACHVERBAND VUN
DE LËTZEBUERGER
JUGENDSTRUKTUREN



Communiqué de presse 28.09.2020

Loscht op muer !? Envie de demain !? Conclusiounen vun der Ëmfro iwwert d'Liewenssituatioun vu jonke Mënschen hei am Land

Den Daachverband vun de Lëtzebuenger Jugendstrukturen (DLJ) an SOS Kannerduerf Lëtzebuerg hunn iwwert d'Summerméint gemeinsam eng Ëmfro iwwert d'Liewenssituatioun vu jonke Mënschen zu Lëtzebuerg duerchgefouert.

Déi zentral Iddi vun dëser Enquête war et, eng Bestandsopnam iwwert d'Liewenssituatioun vu jonke Mënschen tëscht 12 a 26 Joer zu Lëtzebuerg ze realiséieren, an Zesammenhang mat hirer Zukunft, hire Bedürfnissen an hiren Ängsten. Doduerch sollten potentiell Chancen an Erausforderungen identifizéiert ginn, déi och fir d'Aarbecht mat Jonken a betreite Wunnstrukturen an alle Jugendstrukturen eng Relevanz duerstellen. Dëst besonnesch och virum Hannergrond vun der Covid-19 Pandemie.

Wéi liewe Jonker zu Lëtzebuerg? Wéi eng Gedanke maachen si sech? Wat sinn hir Suergen an Hoffnungen am Hëllef op hir Zukunft? Wéi vill « Loscht op Muer » hunn si?

Dëse Froen ass d'Enquete nogaangen, ënner anerem och mat der Optik, ee Verglach ze erméiglechen tëscht deene Jonken déi bei hire Familljen oder eleng liewen an deenen déi an enger Struktur ënnerbruecht sinn.

Bis den 1. Juli 2020 hunn insgesamt 106 Jonker am Alter tëscht 12 a 26 Joer aus ënnerschiddleche Liewensverhältnissen (Famill, Fleegefamill, Heemstruktur, betreit Wunnen oder déi alleng wunnen) un der Enquête deelgeholl. Déi grouss Majoritéit vun de Befroten ass sech den Erausforderungen um Aarbechts- a Wunnengsmaart bewosst, an dass viles vum schouleschen a berufflechen

Erfolleg ofhängeg ass. Finanziell Sécherheet gesinn déi Jonk als Viraussetzung fir sech eng eege Wunneng leeschten ze kënnen a fir hir Fräizäit an hire Liewensënnerhalt finanzéieren ze kënnen.

D'Wuelergoen vun hirer Famill, Verloschtängschten an den Opbau vun intakte familiären a soziale Bezéiungen si weider zentral Aspekter, déi di Jonk beschäftegen. Dëst gëllt besonnesch och fir déijéineg, déi net bei hire Famillje liewen, mee an enger Struktur ënnerbruecht sinn.

Alles an allem stelle mir fest, datt déi befrote Jonker hoffnungsvoll a mat Optimismus an hir Zukunft kucken, an si duerchaus „Loscht op Muer“ hunn.

All Jonken deen un der Ëmfro deelgeholl huet, huet d'Chance ee vu ville flotte Präisser ze gewannen. D'Presentatioun vun de Resultater sou wéi d'Remise vun de Präisser fannen am klengen Kader Enn Oktober 2020 statt. Ee grouse Merci soe mir Sales-Lentz fir de Sponsoring vun der Grupperees an ee Fräizäitpark.

Fir weider Informatiounen sti mir iech gären zur Verfügung:

Kontakt:

Karin Kirsch

SOS Kannerduerf Lëtzebuerg

Tél. 32 90 03 - 36

karin.kirsch@kannerduerf.lu

Jerôme Mailliet

Daachverband vun de Lëtzbuerger Jugendstrukturen

Tél. 26293 - 240

jerome.mailliet@dlj.lu